

❖ فهرست الجلد الاول من ترجمة روضة الاحباب ❖

- ۰۶ مقدمة اهل سنتك مذهبي
 ۱۰ باب اول رسول اکرم صلى الله تعالى عليه وسلمك نسب اطهرى
 ۰۰ الى آخره
 ۱۲ رسول اکرم حضرت تيرينک بعض اجدادى آدم عليه السلام
 ۳۱ شيت عليه السلام
 ۳۱ ادریس عليه السلام
 ۳۴ نوح عليه السلام
 ۴۲ ابراهيم عليه السلام
 ۵۹ اسمعيل عليه السلام واولاد اسمعيل عليه السلام
 ۶۶ حضرت پيغمبرك اعمام و عماتى
 ۶۷ اول حضرتك اسماء والقبائى وكنيه لرى
 ۷۱ آب زمزمك پيدا اولديغى
 ۷۴ بيت مكرمك بنا اولنديغى
 ۸۱ چاه زمزمك ناود اولوب بعده عبد المطلبك حفرى
 ۸۳ عبد اللهك زبجدن خلاصى و آمنه به تزيجى
 ۸۹ اول حضرتك حلى زماننده ظهوره کلان علامات
 ۹۲ ايکنجى باب اول حضرتك تاريخ ولا دق و طوغديغى وقتنده
 ۰۰ ظهوره کلان بعض غرائب و حال حياتنده واقع اولان احوال
 ۰۰ ووقايع بيان اولنور
 ۹۵ اول حضرتك حين ولا دتنده ظهوره کلان غرائب
 ۰۰ برشمه بياننده در
 ۱۰۱ اول حضرتك ولا دق كيجه سنده واقع اولان بعض حوادثك بيانى
 ۱۰۳ قصه سطح كا هن
 ۱۰۶ اول حضرتك توييه نك و حليمة سعديه نك ارضاعى و شق
 ۰۰۰ صدرك بيانى
 ۱۲۱ اول حضرتك ولادتندن اتنجى سنه نك و يدنجى سنه نك وقايعى
 ۱۲۴ اول حضرتك ولادتندن سكرنجى ييلدن اون اوچنجى سنه به دك
 ۰۰۰ ظهوره کلان وقايع
 ۱۲۵ اول حضرتك ولادتندن اون اوچنجى ييلدن بكر منجى سنه به دك

- ... ظهوره کلان وقایع وبصرای شام جاننده اولان سفری وبجیرا
... راهب قصه سی
- ۱۲۹ اول حضرتک بکر منجی سنه دن بکرمی بشنجی سنه یه دک ظهوره
... کلان وقایعی
- ۱۳۰ اول حضرتک ولادتندن بکرمی بشنجی سنه ده واقع اولان
... اموری ونسطورا راهب قصه سی ونزوح خدیجه رضی الله
... تعالی عنها
- ۱۳۶ اول حضرتک ولادتندن اوتوز بشنجی بیلدن تاهور
... نبوته دک واقع اولان اموری وبیت مکرمک منهدم اولوب
... قریشک بنایند کلری
- ۱۳۹ قر قنجی سنه یه دک ظهور ایدن وقایع وابتهداء نزول وحی
... وقرآندن اول نازل اولان بیان اولنور
- ۱۴۷ نزول وحیک کیفیتی واول حضرتک خلقی ایمانه دعوتی واول
... ایمانه کلنلرک بیانی
- ۱۴۸ ابوبکر صدیقک دلائله مسلمان اولان جماعت سابقین
... بیان اولنور
- ۱۴۹ شیطینک آسمندن ممنوع اولد قلری
۱۴۹ اول حضرتک خلقی ایمانه دعوتی آشکاره ایتدیکی
... بیان اولنور
- ۱۵۰ مکه مشرکلرینک اول حضرتک وبارا ننه ایتدی کلری ایذا
... واضرار لری
- ۱۵۹ نبوتدن بشنجی سالدیه واقع اولان امور واصحابک حبشه ولایتنه
... هجرتلری وانلرک رجال ونسادن عد دلری
- ۱۶۴ نبوتدن التنجی بیلاک وقایعی وحضرت حمزه نک وحضرت
... عمرک اسلامه کلد کلری
- ۱۶۹ نبوتک سکرنجی بیلدن اوتنجی بیلنه دک اولان وقایع وقریشک
... اول حضرتک خصوصنه معاهده ایدوب بنی هاشمک
... قریشدن اراد قلری
- ۱۷۶ نبوتدن اوننجی بیلاک وقایعی وحدیجه نک وابی طالبک موتی
... واول حضرتک طائف وثقیف قبیله لر بنی اسلامه دعوتی

- ۰۰۰ ولله الجن وعا يشه بي وسوده بي تزوج بيورد دیني
- ۱۸۹ نبوتدن اون برنجی بیلاک وقایعی وابتداء اسلام انصار بیان اولنور
- ۱۹۰ نبوتدن اون ایکنجی بیلاک وقایعی وقصه معراج وصلاوات
- ۰۰۰ خمس فرض اولند دینی وبيعة العقبة الاولى
- ۲۱۲ قصه معراجہ متعلق فوائد بیان اولنور
- ۲۲۲ نبوتدن اون اوچنجی بیلاک وقایعی وبيعة عقبه ثانیه ومدینه به
- ۰۰۰ ابتدا هجرت ایدن اصحاب رسول بیان اولنور
- ۲۲۳ ابو بکر صدیق حبشه جاننده هجرت ایدوب کندیکی
- ۲۲۷ اصحاب رسولک مدینه جاننده هجرتلری وقیشک اول حضرت
- ۰۰۰ ایچون دارالنده وده مشاوره لری واول حضرتک مدینه به هجرتله
- ۰۰۰ مأمور اولد دینی
- ۲۳۶ اول حضرتک غار دن چیقوب مدینه به توجه بیورد دینی
- ۰۰۰ ویولارده ظاهر اولان امور واحوالک بیانی
- ۲۴۱ اول حضرتک مدینه به ابریشوب اول دیار اهابلسنک اول سروره
- ۰۰۰ استقباله چیققد قلری
- ۲۴۳ هجرتک ابتدا سنه سنده ظهور ایدن وقایع ومهجراتک بیانی
- ۰۰۰ واذانک مشروعیتی
- ۲۵۸ هجرتدن ایکنجی سنه نک وقایعی
- ۲۶۷ وقوع غزوه بواط وذو العشیره
- ۲۷۱ غزوه بدر کبری
- ۲۹۹ غزوه بنی قینقاع
- ۳۰۳ هجرتدن اوچنجی سنه نک وقایعی بیان اولنور غزوه سریه فرده
- ۳۱۱ غزوه احد
- ۳۵۴ هجرتدن در دنجی بیلاک وقایعی
- ۳۶۴ غزوه بدر موعود
- ۳۷۱ هجرتدن بشنجی سالک وقایعی
- ۳۹۰ غزوه خندق
- ۴۱۲ غزوه بنی قریظله
- ۴۲۱ هجرتدن التنجی بیلاک وقایعی وحدیبه وقعه سی
- ۴۵۳ اول حضرتک ملوک اطرافه نامه لر ورسولار ارسال بیورد دینی

مغنیسا وی
بکلی زاده مرحوم
ترجمه سنه موفق اولد قاری
روضة الاحباب نام
تاریخ لطیفک جلد
اولیدر
کرم رسوماتندن مستشنادر





بِسْمِ اللَّهِ الرَّحْمَنِ الرَّحِيمِ

الحمد لله رب العالمين والصلاة والسلام على خير خلقه محمد وآله وصحبه
 اجمعين (اما بعد) سبر مستقیمه اصحابك نظر انور لرینه مخفی و پوشیده
 دکلدر که انسا نك تحصیلنده عمر کرا نمایه صرف ابلدیکی اشیا نك
 بهتری علوم دینیہ و معارف یقینیہ در زیر مقرر در که علم سبب حیات
 قابوب و وسیله معرفت حضرت علام الغیوب و موجب رفع درجات
 و مخر خیر و سعادت در * نکتہ بوآیت کریمہ دہ کلام ربانی و پیام سبحانی
 انک فضیلشدن خبر بر (یرفع الله الذين آمنوا منکم والذين اتوا العلم
 درجات) و علو مرتبہ اهل علمه بو کافیدر که خداوند تعالی کنندی
 وحدا نیتنی اثبات ایچون اول خصوصه شهادتده انلری تالی ذات عالی
 صفاتی و ثانی ملائکة ملکوتی قیابوب پیوردی (شهد الله انه لا اله
 الا هو و الملائکة و اولوا العلم قائما بالقسط) (قطعه) زهی رتبت عالی اهل
 علم * نکه کن که ایزد بکشان نشاند * چو خوان شهادت بوحدت
 کشید * بجنب ملک شان رخویش خواند * و زبان معجز بیان محمدی
 علیه افضل الصلوات و اکمل التحیات کاه (العلماء ورثة الانبياء)
 دیوب انلری نعت وراثت انبیایله مدح و ثنا ایدردی و کاهی (علماء
 امتی کانبیاء بنی اسرائیل) دیو انلری اول طائفة ناجیه به مشابہت

فضیلتی ابله و صف و اطرا پیورردی و شک یوقدر که علم حدیث اشرف
 علوم دین و افضل قربات و طاعات رب العالمیندر ❖ زیرا اول حضرتک
 سنن سنیه سی و احادیث مر ضیه سی ثانیء ادله اسلام و مبین اکثر
 احکام و ممیز حلال و حرام و مفسر کلام ملک علامدر (شعر) اذاذکرت
 بحارالعلم یوما ❖ فبحر المصطفی لا غیر یجری ❖ هو البحر المحیط و ماعداد ❖
 فانهار صغار منه تجری ❖ و اول سرورک سیرتنی بتلک و حاة بیضة
 دین و رواة اخبار و آثار سید المرسلین اولان صحابه و تابعین و سلف
 صالحینک احوالرینه واقف اولق انواع علوم حدیثک اهمند ندر
 زیرا اول سرورک و اتباع و اصحابک سنت حسنہ و طریقت مستحسنہ لری
 اول علمدن ظاهر و روشن و مفصل و مبین اولور لاجرم اتباع سنت سنیه
 و اقتفای سیرت نبویه و اقتداء اصحاب کرام و احباب ذوی الاحترام
 مستحب سیادت منزلهین و مستجاب سعادت داریندر (قل ان کنتم
 تحبون الله فاتبعونی یحبکم الله) آیت کریمه سی (ومن احبنی کان معی
 فی الجنة) خبر معتبری بومد عابه دلیل واضح و بومبتغایه برهان لایحدر
 و بومعناده دخی شائبه اشتباه یوقدر که بوعصرک قومی اول حضرتک
 و اصحابک سیر و احوالرینه واقف اولق انجیق ثقاة رواة و ثبات ائمة
 اجله و سبله سیله حاصل اولور پس هر مؤمنک حائنه لابق و شائنه موافق
 اولان اولدر که اول سرورک سیرتی علمنی و عرف اهل حدیثه اسماء
 رجال دید کلرنی که معرفت احوال صحابه و تابعین و رواة و انلردن
 نقل ایدن سلف صالحینک احوال و اطوار لرندن عبار تدر محکم ضبط
 ابدوب عهده متابعتدن شرطی ابله خروجه قادراوله پس بومقد ماته
 بناء افضل المناخرین و اکمل المنورعین عمده شراح الحدیث و قدوه
 اصحاب التفسیر و التحدیث مولا ناعطاء الله بن فضل الله الحسینی الملقب
 بحمال الحسینی نعمده الله بغفرانه و اسکانه بمحبوحة جنانه حضرت تلمزینک
 میرزا علی شیر نوائینک تسکینی ابله جمع و تألیف ایتدبکی ❖ روضه
 الاحباب فی سیر النبی و الال و الاصحاب ❖ نام کتابی و بایده تمام شرائط
 حسن قبولی جامع ❖ و لوازم احسان و استحضانی مستجمع اولوب صحاح
 و ثوابت اخباری مشتمل و واعظ و حکیم و آناری متضمن اولدیغی جهندن
 جهانده مثلی مفقود و نظیری ناموجود بر کتاب لطیف و بر انتخاب شیریندر

(شعر) کتب نظمہ بحکی زلالا ❖ وفي فخواه نور قد تلا لا ❖ فلو خطت
جواهرہ تیر ❖ علی بدرالاق به کا لا ❖ پس بوفقیہ حقیر کثیر التقصیر محمود
المفتیسما وی المشتہر یحلی زادہ غفرت ذنوبہ ❖ وسترت عیوبہ ❖
بعض احبابک التماسلری ایلہ کتب مذکورى لغت فارسیدن لسان ترکی یہ
ترجہ ایدوب لیکن نفسی عام وفائدہ سی تام اولغیچون تکلف الفاظ
وعبارات وتصنع انشا واشعار اتدن اجتناب واحتراز ایدوب بسیط
وسادہ ❖ وتصنع وتکلفدن آزادہ ❖ لسان عوام اوزرہ سوق کلام اولندی
وجله اتفاقات حسنه دندر کہ بو کتاب مستطابک ترجمہ سنہ ابتداء
شروع اول ایام خجستہ فرجامہ مصادف اولدیکہ سنہ ست ومائتہ
والف جادی الآخرہ سنک یکرمی ایکنجی کونی لطف ربانی ❖ ومن
صمدانی ایلہ حالا مسند نشین اورنک عثمانی ❖ ووارث ملک سلیمانی ❖
وجالس چار بالش خاقانی سایہ حضرت سبحانی ❖ دارا داراب غلام
وداور بهرام انتقام ❖ سلطان البرین والبحرین خادم الحرمین ناصب
رايات الجلالة فی الآفاق ❖ صاحب سر بر الخلافۃ بالاستحقاق السلطان
الاعظم الامجد ❖ والحاقان الافخم الاسعد ❖ السلطان ابن السلطان
ابن السلطان الغازی (سلطان مصطفی خان) ابن السلطان محمد خان
ابن السلطان ابراهیم خان خلدالله ملکہ وابد دولته الی آخر الدوران
حضر تلرینک تحت بلند بخت سلطنتہ جلوس ہمایونلرینک اوچنجی
کونی روی دریادہ کفاروندیک مخاذیلنک طونمای منحوسہ لری صدمہ
طوب پر آشوب غزاة اسلام ایلہ شکستہ و مہکوس اولدقد نصکرہ ساقز
جزیرہ سنک دخی ایادی کفرہ فجرہ دن انتزاع واستخلاص اولندی
اخبار بشارت لری نسیم نو بہار کی اطراف عالمہ ساری وجاری اولغلہ
خلق عالم کمال سرور ونشاط وفرط بہجت وانسا طدن حیات تازہ
ونشوہ بی اندازہ بولوب کللر کی خندان وبلبلار کی جوشان وخورشان
اولشلر ایدی وهمچنان بو ترجمہ نک اتمام واختتامی اول هنکام سعادت
انجامہ مقارن اولدیکہ سنہ سبع ومائتہ والف صفر الخیرندہ غزاة مسلمینک
زور بازوی مردانہ لری تکرار کفرہ مذکورہ نک سفائن واهیملر بنی
برہزده وشکستہ ایدوب اول سفینہ پارہ لک اخشاب والواحی وھلاک
اولان کفرہ فرنک بی فرھنکک اجساد ناپاک و بی ارواحی خاروخس کی

غاشیه کش روی دریا اولوب عزیزان نهنگ خروش لاشه کفار ازرق
 بوش ایله آق دکری بحر سیاهه دوندر منلرایدی والحمد لله علی ذلك
 (پس بوزجه بی اعتباره امعان نظر بیورن اخوان دین و خلان فتوت
 قرینک مکارم اخلاق و محاسن اشفا قلرندن در خواست اولنور که
 بوزجه بی انتظامی شرف مطالعده لایله مششرف و مزین بیورد قلرنده
 واقع اولان زلات و هفواتنک قابل تأویل و تصحیح اولانلرینی قلم اطف
 و کرم ایله تصحیح و اصلاح و قابل اولیانلرندن عفو و صفحله انماض
 و اعتراضدن اعراض ایدوب بوفقیه مستندی خیر دعا ایله یاد و تقصیراتندن
 استغفار ایله دلشاد ایدر والله المستعان و علیه التکلان (معلوم اوله که
 بو کتاب اوج مقصدی مشتملدر ❀ مقصد اول ❀ حضرت رسالتک
 (صلی الله تعالی علیه وسلم) سیرتی واکا متعلق اولان مقدمات و مهمات
 بیاننده اولوب اوج باب اوزره ترتیب اولمشدر (باب اول) اول حضرتک
 نسب اطهری واکا متعلق اولانلر بیاننده در (باب ثانی) اول حضرتک
 ولادت و ولادتیه متعلق اولان امور و مدت حیاتنده اول سروردن
 ظهوره کلان حالات و غزوات و سائر وقایع و مرض موت و وفاتی واکا
 متعلق اولان احوال بیاننده در و بوباک خاتمه سنده اول سروره صلواتک
 کیفیتی واکا ثواب و فضیلتی بیان اولمشدر (باب ثالث) فن سیرتک
 مهمات و مکملاتی بیاننده اولوب سکر فصل اوزره ترتیب اولمشدر
 (فصل اول) اول حضرتک عدد ازواج و سراریسی و هررینک شرح
 حالی بیاننده در (فصل ثانی) اول حضرتک صلی الله تعالی علیه وسلم
 ذکور و انات عدد اولادی و هررینک شرح حالی بیاننده در (فصل ثالث)
 اول حضرتک تعداد معجزاتی (فصل رابع) اول سرورک اوصاف
 و شمائل (فصل خامس) اول سید ساداتک عباداتی (فصل سادس)
 اول خواجه کائناتک آداب و عاداتی (فصل سابع) اول سرورک
 مخصوصاتی (فصل ثامن) اول حضرتک صلی الله تعالی علیه وسلم
 خدام و موالیسی و مراسم و کاتبی و پیگری و مؤذنین
 و خطباء و شعرا سی و اسلحه و امتعه و اثاث البیت و مرکب و دوابی
 و انلره متعلق اولان اشیا بیاننده در ❀ ایکنی مقصد ❀ احوال
 صحابه معرفتی بیاننده اولوب ایکی بابی مشتملدر (باب اول)

رجال صحابه معرفتی بیاننده در (باب ثانی) نساء صحابه معرفتی بیاننده در
 ﴿ اوجنی مقصد ﴾ احوال تابعین و تبع تابعین و مشاهیر ائمه حدیث
 بیاننده اولوب اوج بابی مشتملدر (باب اول) احوال تابعین (باب ثانی)
 تبع تابعین (باب ثالث) تبع تابعین نصره وجوده کلان جماعت ائمه
 دین احوالی بیان اولنور رضوان الله علیهم اجمعین والله الموفق والمعين
 ﴿ مقصد اول ﴾ حضرت رسالتك صلی الله تعالی علیه وسلم سیرتی
 بیاننده در و بومقصدك ابوابنه شروعدن مقدم بر مقدمه ذکر ایدوب
 اول مخوقات اول حضرتك صلی الله تعالی علیه وسلم نور نبوتی اولوب
 جمیع مکونات اول نوردن وجوده کلدیکی و بویابده وارد اولان احادیث
 مختلفه نك وجه توفیق بیان اولنسه کر کدر ان شاء الله تعالی ﴿ مقدمه ﴾
 اهل سنت و جماعتك رحیم الله تعالی مذهبیری اولدر که ازل آزالده
 ممکناندن هیچ بر نسنه موجود دکل ایدی نکه (کان الله ولم یکن معه
 شیء) حدیث صحیحی اکادالات ایدر و حق تعالی حضرتی جمیع ممکناتی
 بوغیکن و ارایلدی و اشیا بی بر ائمه تأخیر ایلدیکی عجز و عدم قدرتندن
 دکل ایدی بلکه جمیع ازمنه و احوالده قدرت انك ذات پاکندن منفك
 اولما دی پس علماء دین رحیم الله تعالی اول مخوقات نه نسنه
 اولدیغنده اختلاف ایدیلر بعضیلری عقل اول مخلوق اولدی دیدیلر
 و بر طائفه دخی قلم چله دن مقدم مخلوق اولدی دیدیلر و بر جماعت
 دخی اول مخلوق نور نبوت محمدیدر دیدیلر صلی الله تعالی علیه وسلم
 غالباً بو طائفه نك منشأ اختلافیری بو باده اخبار مختلفه وارد اولدیغنددر
 اول احادیثك بریسی بودر که (اول ما خلق الله العقل فقال له اقبل
 فاقبل ثم قال له ادبر فادبر فقال وعزني وجلالي بك اعطی و بك امنع)
 و بریسی دخی بو حدیثك (اول ما خلق الله القلم) و بریسی دخی
 بو حدیثك (اول ما خلق نوری) و بو احادیث مختلفه نك جمله سی
 صحیح و ثابت اولدیغی تقدیرجه بونلرك میاننده الله اعلم وجه توفیق
 بو وجهله در که اول حقیقت بزم پیغمبر برك نوریدر صلی الله تعالی علیه
 وسلم و عقل و قلمك اولیلری اضافیدر یعنی اول مخلوق مجرد انده عقل
 و اجسامده قلمدر دیمکدر یا خود بو وجهله توفیق ایدرز که عقلارده
 حق تعالیك اول خلق ایدیکی اول عقلدر که سابقا ذکر اولان حدیث

شریف مفهومی اوزره حق تعالی انی خلق ایدوب اقبال وادبار ایله
امر ایتدکده اول دخی اطاعت و انقیاد ایتکله حضرت غرندن عرشانه
فنون اعزاز و اکرام ایله مکرم و مخصوص اولدی و قلملرده اول مخلوق
اولان اول قلمدر که حق تعالی ک امری ایله اشیانک تقدیر اتنی لوح محفوظه
ثبت و قیید ایلدی و نور لرده اول مخلوق اولان نور حضرت محمد
المصطفیانک نوریدر علیه الصلاة والسلام اما اهل تحقیق اکا ذاهب
اولشدر در که بوعبارات ثلثه دن مراد شیء واحد در که حیثیات مختلفه
اعتبار اولوب اسماء متعدده ایله مذکور اولشدر یعنی اول امر واحد
کند و بی و کندنی مبدائی بیلوب و سایر اشیائی تعقل ایتدیکی جهتدن
اکا عقل نسبی ایتدیلر و لوح محفوظ و سایر مصنوعات منقوش اولان
نقوش علوم انک و ساطتبله منقوش اولدیغی جهتدن اکا قلم دیدیلر
و جمع کالات ممکنه انک نورینک پرتوی اولدیغی جهتدن اکا نور محمدی
دیدیلر پس (مصرع) جمله دن مقصود برال عبارات مختلف ❖ و بعض
احادیث صحیحه دن عرش و آبک جمله دن مقدم مخلوق اولدیغی مفهوم
و معلوم اولشدر و محققان شراح حدیثدن رجوع بویه بیور مشلدر که قلمک
مخلوقاتده اولیتی عرش و آبک مخلوقیتد نصکره اولغه محمولدر یعنی حق
تعالی عرش و آبی براندقد نصکره خلق ایتدیکی مخلوقاتک اولی قلمدر دیشلر
(و بعض کتب قصص و نوار یخده ابن عباس رضی الله تعالی عنهما دن
منقولدر که حق تعالی ک اولایر ایتدیغی مخلوق بر قلم ایتدیکه انک اوزونلغی بشوز
یلاق یول ایدی و قال کلغی فرق یلاق یول ایدی پس اکا خطاب ایدوب
یازیدی قلم ایتدی نه یازه بی ای بنم پرورد کارم حق تعالی ایتدی روز
قیامتد ک مخلوقات حقنده مقدر قیلدیغی نسنه لری یاز قلم دخی جاری
اولوب روز قیامتد ک جمع اوله حق نسنه لری یازدی ایدر که قلمک ابتدا لوح
محفوظ اوزره یازدیغی بو کلمات ایدی (بسم الله الرحمن الرحیم انا الله
الذی لا اله الا انا محمد رسولی من استسلم لقضائی وصبر علی بلائی و شکر
علی نعمائی و رضی بحکمی کتبتہ صدیقاً و بعثته یوم القیمه مع الصدیقین
و من لم یستسلم لقضائی ولم یصبر علی بلائی ولم یشکر علی نعمائی ولم یرض
بحکمی فلیختر آلهما سوائی) بروایت دخی اولدر که قلم الی الابد جمله
اولوب اوله جملری یازغه مأمور اولدقده ساق عرشه (لا اله الا الله

محمد رسول الله (باز د قد نصکره هر قطره که آسمانن نزولی و هر ورقه که
 انجیلدن سقوطی مقدر ایدی و پر یوزنده اولان هر طاش پاره لری و نابت
 اوله جق هر نباتاتی و خلائقه ایریشه جک رزقی یازدی پس انک ایچون
 پیغمبر صلی الله تعالی علیه وسلم (جف القلم علی علم الله) و بر روایتده
 (جف القلم بما هو کائن الی یوم القیمه) دیو یوردی (نظم) قضی قلم
 القضاء بما یكون ❖ فسیان الحرك والسكون ❖ جنون منک ان تسعی لرزق
 ❖ و برزق فی غشاوته الجنین ❖ و نور محمد نیک صلی الله علیه وسلم کیفیت
 خلقنده روایات متعدده و اخبار متنوعه و ارد اولشدن و مجموعتک حاصلی
 و نتیجه سی الله اعلم بومعنا به راجع اولور که حضرت خداوند تعالی بو آسمان
 و زمینی و عرش و کرسی و لوح و قلمی و جنت و جهنمی و ملک و انس و جن
 و سایر مخلوقات را نمزدن نیجه بیک ییل مقدم اول حضرتک نور نبوتی براندی
 و عالم قدس قضاسنده اول نوره تربیت بیوردی کاه اکاسجود امر ایلدی
 و کاهی انی تسبیح و تقدیس ایله مشغول قیلدی و اول نورک قرار کاهنده
 حجابلر خلق ایدوب انی اول حجابلرک هر برنده مدت مدیده حفظ ایلدی
 و هر بر حجابده حضرت حقک بر تسبیح خاصی ذکر ایدردی و نیجه
 زماندن نصکره که اول حجابلردن طشره کلدی و عاشقانه تنفسلر ایلدی
 حق تعالی انک انفس متبرکه سندن ارواح انبیسا و اولیای و ارواح
 صدیقین و شهدای و سایر مؤمنین و ملائکک ارواحنی خلق ایلدی
 و اول انفس متبرکه کبی برقاج قسم قیلوب بر قسمندن عرش و کرسی
 و لوح و قلمی و جنتی و آسمان و زمین و آفتاب و ماهتاب و کواکب و بحار و ریاح
 و جبالی براندی اند نصکره زمینی منبسط قیلوب آسمان و زمیندن
 هر بریستی بدیشر طبقه ایلدی و هر طبقه بی مخلوقاتدن بر طائفه یه مسکن
 اولقی ایچون مقرر بیوردی و کیجه و کوندزی اظهار ایلدی پس جبرائله
 امر بیوردیکه واروب حضرت رسالتک صلی الله تعالی علیه وسلم فبری
 محلندن بر قبضه خاک پاک الوب اول نور ایله مخلوط ایله جبرائیل فرمان
 موجبیه عمل ایدوب اول نوری اول خاک پاک ایله مخلوط و آب تسنیمه تخمیر
 ایدوب اول خمیری بر دره بیضا شکفته قودی و اول دره بیضایی جنت
 ایرمقلربنه صالیدی وانی یرزه و کولکره و دریا زه و طاغله عرض ایلدیکه
 تا خلق اولمازدن مقدم انک کیم ایدیکنی ییله ل واکلیه لرتکم (انی
 عند الله مکذوب خاتم النبیین وان آدم لم یجدل فی طینته) خبر معتبری

بو مهابله اشارتدر (یت) کسترده درسرای نبوت بساط او ❖ و آدم
 هنوز رخت نیاورده از عدم ❖ مر ویدر که میسره الفجر دنکه ایتدی
 سوال ایتدم حضرت پیغمبر دنکه (متی کنت نبیا) یعنی نه زماندن
 بری پیغمبر ایدک اول حضرت جوابنده بیوردیکه حق تعالی چون
 عرش عظیمی بر اتدی و کوکبری و برری منبسط قیلدی و عرش عظیمی
 حله عرش ملکترینک او موز لرنده ممکن قیلدی قدرت قلمی ایله ساق
 عرشه یاز دیکه (لا اله الا الله محمد رسول الله خاتم الانبیاء) و بنم نامی
 جنتک قبولینسه و جنت اشجارینک و رققرینسه و قبلرینه و خیمه لرینه
 نقش و ثبت ایلدی حال بو که آدم هنوز روح و جسد میانشده ایتدی
 یعنی روح ائک جسدنده ممکن بولما مشیدی اند نصکره قادر بر کمال آدم
 صنی بی بر ادوب اول نوری آدمک جبهه سنده و دیعت قودی و ایتدیکه
 ای آدم بوسنک جبهه کده و دیعه قودیغیم نور سنک ذریتک افضل
 و بهتری و مرسل پیغمبر لک سروری نوریدر (روایتده کتور مشلردر که
 چون آدم کند یدن صادر اولان زلت و معصیت جهشتدن تأدیب
 اولوب دنیا به کوند رلدی آدم متصل اغلق و کناهلرینه توبه و انابت
 ایتکده ایدی تا عاقبت محمد رسول الهی کندوبه وسیله طو محمد خفه
 توبه سی مقبول اولادی (نقلدر که آدم ایتدی الهی محمد حق ایچون
 بنم کناهم یارلغه حضرت حق اکا خطاب بیوردیکه سن محمدی ندن
 یلور سن آدم ایتدی اول زمانکه بنی بر اتدک نظر م ساق عرشه دوش
 اولدی کورد مکه ساق عرشه یازلش (لا اله الا الله محمد رسول الله) پس
 یلدمکه سنک قانکده خلایقک اعزی و اکرمی محمددر که ائک نامنی کندی
 نامکه قرین ایتشسن پس ندا کلدیکه یا آدم اول سنک ذریتکدن آخر
 پیغمبر اندر و سنی اکا طفیل اولغیچون خلق ایتشمدر (ایدر لکه اولکون
 حضرت حق طرفندن آدم کینتی ابو محمد قلمغه مأمور اولدی (و بر روایت
 دخی اولدر که حضرت حق عز و جل آدمدن سوال ایلدیکه یا آدم
 اول توسل ایدوب کناهک یار لغنق ایچون بکاشفیع اتخا ایتدیکک
 کیمدر یلور مین آدم جواب وروب ایتدی یلورم سنک مختارک و محبوبکدر
 و بنم جبهه مه ایداع ایتدیکک نور ائک نوریدر و ساق عرشه و لوح
 محفوظده و جنت قبولرنده (لا اله الا الله محمد رسول الله) دیو یاز لغله

بیلد مکه اول محمد سنک قاتنکه اکرم مخلوقا ندر پس خطاب عزت
 کلدیکه یا آدم سنی مغفرت ایتدم و کناهکدن کجدم و عز و جلام حقیچون
 سنک ذریتکدن هر کیم اکا توسل ایدوب انی بکاشغیم کتور رسه یار اغارم
 و حاجتی روا ایدرم و بعضی مفسرلر (فتلی آدم من ربه کلمات قناب علیه)
 آیت کرمه سنده اولان تلقی کلماتی سید رسل صلی الله علیه
 وسلم حضرت تلوینه توسل واستشفاعله تفسیر ایتش لردر
 منقولدر که اول نوری محافظت و تعظیم اچلیچون آدم مدن عهد نامه
 الدیلر که اولادی ارحام طاهراته اول نوری طهارتسن نقل ایتدلر
 و ملائکه اول خصوصه شاهد اولدیلر و مقرر قیلدیلر که اولاد آدمدن
 هر کیم اول نور ایداع اولنه اندن عهد نامه الله که اول دخی اول نوری
 محافظه و تعظیمه اهتمام ایدوب اول نوری نکاح صحیحله زمانک
 اصلح و اولاسی اولان نسادن غیری به وضع و نقل ایتیه پس آدمک نیچه
 اوغلنلری اولدی تا اول زمانه دک که اول نور حوایه منتقل اولد قده
 حضرت حواشیشه حامله اولدی و هر کاهکه حوا وضع حمل ایلسه
 ایکن براوغلان و برقرطو غورردی الاشول نو بنده که شینی طوغورردی
 بالکنر شبت طوغدی نور محمدینک شرقی جهنندن ایکنر طوغورمدی روایت
 مشهوره بودر (و بر روایت دخی و اردر که شبت دخی ایکنر طوغمش اوله علی
 اختلاف القو این نور محمدی شینه انتقال ایلدی اندنصرکه اول نور پاک
 عهود و مواتیق و نکاح صحیحله اصلاط طیبه دن ارحام طاهراته منتقل
 اولوب تا عبد الله بنی عبد المطلبه و اندن آمنه بنت وهب بن عبد منافه ایرشدی
 (نقلت من اصلاط طیبه الی ارحام طاهره) حدیث مشهوری و (ولدت
 من نکاح لامن سفاح) خبر معتبری بو مغنایه اشارتدر و الله اعلم بالصواب
 ❖ باب اول پیغمبر صلی الله علیه وسلمک نسب طاهری و اول
 سرورک آباء و اجداد عظامندن برشمه و اعمام و عما تنک عددی
 و اسماء و کنیه لری و اول حضرتک القابی و آب زمزمک کیفیت
 ظهوری و ابراهیم و اسمعیل بدلیلله بیت کعبه نک بنی اواند بخی
 و اسمعیل نصرکه زمزم قبوسنک یومولوب نابود و ناپیدا اولدینک
 سببی و بعده عبد المطلب بدیلله بنه ظاهر اولد بخی و عبد المطلبک آب
 زمزم ظهورینه شکرانه اولغیچون حضرت پیغمبرک باباسی عبد اللهی

قربان ایتک مراد ابتدکی و عبد اللهك آمنه بی تزوجی و اول
 حضرت نك نور پاکی آمنه به منتقل اولدیغی و اول سروری مدت
 جلنده ظهور ایدن غرائب و اکا متعلق اولان امور بیانند. در ❖
 ❖ اول سرورك صلی الله علیه و سلم نسب اطهری ذکر اولور ❖
 اسم شریفی محمد بن عبد الله بن عبد المطلب بن هاشم بن عبد مناف بن قصی
 بن کلاب بن مره بن کعب بن لوی بن غالب بن فهر بن مالک بن نضر بن
 کنانه بن خزیمه بن مدرکه بن الیاس بن مضر بن نزار بن معد بن عدناندر
 (اصحاب سیر و تواریخ و ارباب علم انساب اراسنده تا عدنانه چیقجه اختلاف
 یوقدر ترتیب مذکور اوزره متفق علیه در اما عدناندن اسمعیله و اسمعیلدن
 آدمه چیقجه عدد افرادو تعیین اشخاص و ضبط اسامیده چوق اختلاف
 واقع اولمشدر بعضیلری عدنانله اسمعیل اراسنده درت نفر ذکر ایتشلر
 (بعضیلری دخی زیاده ایتشلر تا فرق نفره دك عد ایتشلر در و كذلك
 اسمعیلدن آدمه چیقجه دخی چوق اختلاف ایتشلر در فی الواقع عدنانله
 آدم اراخنده تعیین عدد داشنا صده بر روایت صحیحه که معارضه دن
 خالی اوله ثبوت ایشما مشدر اکاباء انلرك ذکرندن سکوت انساب و اولی
 کورلدی (مرویدر که پیغمبر صلی الله تعالی علیه و سلم هرگاه که کندی نسبنی
 بیان بیورر دی عدنانه چیقجه ذکر ایدوب عدنانه ایرشد کده توقف
 ایدردی (و بر روایت دخی اولدر که کذب النساءون الی مافوق عدنان)
 دیرایدی یعنی عدد ناند نصکره تعیین افراد ایدن نسابلر بلان سویلرلر
 عدناندن یوقا روسی معلوم دکلدر دیمك اولور حضرت عمر بن
 خطاب رضی الله تعالی عنه دن منقولدر که بز کنسی نسبی نی نامعه
 چیقجه ضبط ایتشلر در معد دن یوقا و سنی بیلرز دیرایدی و لیکن
 جهو ر اهل سیر و تواریخ انك اوزرینه متفقدر که ابراهیم و اسمعیل
 و نوح و ادریس و شیت اول حضرتك اجداد کرامندندرو ابو بکر عربینك
 ادریس بزم پیغمبر بمنك اجدادندن دکلدر بلکه بنی اسرائیلدندر دیدیکی
 قول معتبر دکلدر و بوقولك صحته حدیث معراجده ذکر اولدیغی اوزره
 پیغمبر آسمانده ادرسه ملاقی اولدوقده ادر بسك اول سروره مر حبابانی
 الصالح والاخ الصالح دیدیکی ابله استدلال ایدوب اگر ادر بس پیغمبر بمنك
 اجدادندن اولیدی اسمعیل دیدیکی کبی مر حبا بالان الصالح

دیرایدی دیمسی مدعا سنه تمام دلالت ایتمز زیر احتمالدر که ادریس
 بسوزی تواضع وتلطف طریق ایله سوبلش اوله
 ❖ حضرت پیغمبرک صلی الله تعالی علیه وسلم
 بعض اجدادی احوالندن برشمه بیائنده در ❖

حضرت آدمک کشتی ابوالبشر و ابو محمد در پیغمبردن صلی الله تعالی علیه
 وسلم سؤال ایتدیلر که آدم پیغمبرمیدی اول حضرت ابتدی بلی نبی مکلم ایدی
 ابن عباس رضی الله تعالی عنهما ایتدی اکا آدم دیدکری اول جهتنددر که
 آدم زمیندن یعنی روی زمیندن مخلوق اولمشدر (و بعضی ایتدیلر آدمک
 آدم تسمیه اولئد بغنک سبی کندم کون یعنی بغدای اکا اولد بغنددر قول
 اول اوزره آدم ایدیم لفظندن مشتق و قول ثانی اوزره ادمت لفظندن مأخوذدر
 (و بعضی ایتدیلر لغت عربده برنسنه بی برنسنه یه قارشددر سه ل
 ادمت بین الشئین درل آدمک دخی طینتی آب و خاکدن مخلوط اولغله
 آدم اسمیله تسمیه ایلدیلر بو کلام دلالت ایدر که آدم لفظی اسماء عربیه دن
 اوله زیرا اسماء عجمیه ده اشتقاق اولماز و امام نووینک رجه الله تعذیب
 الا سماء واللغات نام کتابنده ابو منصور لغوی نحویدن نقل ایدوب
 آدم وصالح و شعیب و محمد دن ماعد اجیع اسماء پیغمبران عجمیدر
 دیدیکی بو قولی مؤیددر لیکن ابن جوزی تلخیص نام کتابنده ابو ذر غفاری بدن
 بر حدیث روایت ایدوب دیمشکه اول حضرت صلی الله تعالی علیه وسلم
 ابو ذره خطاب ایدوب ابتدی یا اباذر انبیادن درت نفر کیمسه سریانی در
 آدم و شیت و اخنوخ و نوح و درت نفر کیمسه لر عربیدر هود و شعیب
 و صالح و محمد علیهم السلام اما اخنوخ دیدیکی ادریس پیغمبردر
 ارباب تواریح کتور مشلردر که چون حضرت حق جل و علا آدمی
 یار اتمق دیلدی جبرائیله بیور دیکه واروب تمام روی زمیندن بر آوج
 طپراق جمع ایلده جبرائیل فرمان مو جبنجه عرصه زمینده متوجه اولدیکه
 واروب فرمان حتی برینه کتوره زمین چون بو حال معلوم ایدندی تضرع
 وزاری لسانیه استغاثه ایدوب ابتدی خاکی ضعیف ایچون بحال قرب
 الهی بو قدر خاکی ذلیل قنده رب جلیل قنده بن بو کارک ماقبتندن
 و بو حالک نتیجه سدن قور قرم و بوتکلیف کافته تحمل ایده مزم
 دبو بو بیتک مضمونی عرصه عرصه ابر شدردی (بیت) ذره خاکی

و در کوی توام وقت خوشست ❖ ترسم ای دوست که بادی ببردناکاهم ❖
 و بر روایت دخی اولدر که زمین ابتدی یا جبرائیل قور قرمکه حق تعالی
 بندن بر مخلوق خلق ابد اول مخلوق کنه کارلق ایدوب بن خجیل و شرمسار
 اولم جبرائیل خاکه ترجم ایدوب کبر و دوندی و خالک عجز و اضطراری
 قصه سنی درگاه احدیته عرض ایلدی (و بر روایت دخی اولدر که خاک
 ابتدی یا جبرائیل سندن حق تعالی به صغور مکه بندن برشی اخذ
 ایدوب بنی نقصان اوزره قومیه سن جبرائیل دونوب کیدوب ابتدی یارب
 خاک بندن سکا صغندی بن دونوب کلدیم پس اسرافیله (و بر روایتده
 میکائیله فرمان حق اولدیکه بومهمه قیام ایدوب زمیندن برقبضه
 طبراق اله انلردخی واروب جبرائیل کتوردیکی جواب مثللی جواب
 ایله کبر و دوندیلر عزرائیله خطاب ایشدیکه سن واروب بواهره قیام
 ایده سن فی الحال عزرائیل زمینه اینوب خالک عجز و زار یلغنه اصلا
 التفات ایتدی خاک عزرائیلدن جناب حقه استعاده ایتدکده عزرائیل
 دخی حق تعالی ک فرماننی یرینه کتورمدین دونوب کتمکدن بن دخی
 اکا استعاده ایدرم دیوب امر اولندیغی اوزره تمام روی زمینده
 اولان اصناف خاکدن قرق آرشون مقداری طبراقی بر یرینه مخلوط
 ایدوب مکه و طائف اراغی بر یرده جمع ایلدی جناب عزندن خطاب
 کلدیکه یا عزرائیل چون بوقبضه خاک اخذ و قبضی سندن وجوده
 کلدی انک واولا دینک جانلرینی قبض ایتکی دخی سکا تقویض
 ایتدم (خبرده کلمشدر که پیغمبر صلی الله تعالی علیه وسلم بیوردی حق
 تعالی آدمی برقبضه تر ایدن خلق ایتدکده اول تراب تمام اجزای
 روی زمیندن انشیدی پس بنی آدمک الوان و طبا عنک اختلافی
 اجزای ارضک اختلافی حسبجه اولدی کیمی بیاض و کیمی سیاه
 و کیمی قزل و کیمی بورنک لک میانه سی و کیمی دخی طیب و کیمی خبیث
 کیمی بومشق و کیمی قانی (روایتده کتورمشلر در که چون اول قبضه
 خاک مکه و طائف اراغنده جمع اولدی جناب فیاض عزشانه
 بر بولوت پاره سنه امر ایتدیکه قرق کون یا خود قرق بیل اول خاک
 اوزرینه غم و غصه دریا سندن یغور یا غدردی اول دریا عرش الشده
 بر بحر در که اکا بحر الاحزان دبرل اول جهنمدن در که بنی آدمک

اوزر پنه بی حزن و بی ملال بر کون بجزر امام تعلی عرایس نام
 نگاشته ایدر خبرده وارد اولشدر که آدمک جسدی روی زمینده
 باتورایکن انک اوزر پنه فرق ییل غم و غصه یغموری یاغوب صکره
 بریل دخی سرور و شادی یغموری یاغدی انکیچوندر که اولاد آدمده
 غموم و هموم چوق اولوب عاقبتی فرح و راحت مبدل اولور (شعر)
 ای شیء یکنون اعجب من ذا ❖ لوتفکرت فی صروف الزمان ❖
 حادثات السرور توزن وزنا ❖ والبسلا یا تسکال بالغفران ❖ و مدت
 مذکورده جناب حکیم خلاق عز شانه اول کارده غیرک مشارکنسز کندی
 بد لطف و عنایتی ایله آدمک طینتی تخمیر یوردی و انک جبلت و طیبعتده
 هر نه مراد ایتدی ایسه تخمیر قیلدی (ایدلر که اول جسد ابتدایین ایلدی
 یعنی بالحق اند نصکره جاء مسنون یعنی متعفن اولمش بالحق اند نصکره
 صلصال اولدی یعنی قرومش بالحق شو بلکه برنسنه اورسدر کوم کوم
 اوزردی (اهل تفاسیر و توار یخدن منقولدر که چون خدای تعالی آسمان
 و زمینی و ملائکه و جنی خلق ایلدی ملائکه بی کوکلرده ساکن قیلوب
 جنیلری رده اسکان ایلدی پس جن قومی مدت مدیده رده ساکن اولوب
 حق تعالی انک عبادتنه مشغول اولدیلر پس حق تعالی انک ارادت ازلیه سی
 اول قومک افشاء و اهلا کنه متعلق اولغله ارالرنده حسد و بغی و ظلم
 و طغیان پیدا اولوب فتنه و فساد و بربرلینی ناحق بره قتل و اهلا که
 باشلدیلر حق تعالی زمینه ملائکه دن برنوع لشکر کوندر دیکه انلره
 ملائکه جن دیرلر ایلدی و اول طائفه انک مقتدا و مرشدی و افضل
 و اعلی ابلیس ایلدی چون اول ملائکه جن زمینه ایندیلر بوندن اقدم
 زمینده ساکن اولوب زمینک تصرفی الارنده اولان جنیان طائفه سنی
 یرلندن سورب چیقاردیلر و اول طائفه طاغیر شکافلرینه و دربالرده
 جزیره لره قاچدیلر و نابود و ناپیدا اولدیلر اند نصکره ملائکه جن زمینده
 قرار ایدوب حق تعالی بالتقام روی زمین ملکینی و سماء دنیانی و جنت
 خزیننه دار لغنی ابلیسه و یردی ابلیس کاهی روی زمینده عبادت ایدردی
 کاهی سماء دنیاده و کاهی جنتده پس اول ملعونک خاطر ناسازنده بر عجب
 پیدا اولدی و کندی کندویه ایتدی بونجه ملکیتی حق تعالی انک بکار زانی
 طوتد بغی دکادر الا انک فاتیده بنم جله ملائکه دن اغز و اکرم اولدیغمدندر

پس جناب احدیت ابلیسه و ابلیسک تحت حکو منته اولان لشکرینه
 و یاخود جمیع ملائکة آسمان و زمینہ خطاب یور دیکہ (انی جاعل
 فی الارض خلیفہ) یعنی آدمی خلیفہ قلیق استرم دیدی ائمہ تفسیر
 اختلاف ابتدیلر کہ حق تعالی آدم حقنہ نیچون خلیفہ دیدی
 (بعضیلر ابتدیلر کہ انکیچونکہ آدم روی زمینہ اولان جنک خلقی اولاجق
 ایدی لکن صحیحی اولدر کہ انکیچون آدمہ خلیفہ نامنی اطلاق ابتدیکہ
 زیرا آدم حق تعالیٰ احکامنی اقامتہ و قضایاسنی تنفیذہ حضرت
 حقک خلیفہ و نانی ایدی ملائکہ چون انی جاعل فی الارض خلیفہ
 خطابنی اشتدیلر) انجمل فیہا من یفسد فیہا و یسفک الدماء و نحن نسبح
 بحمدک و نقسک) دیدیلر یعنی زمینہ برکسہ بی خلیفہ قیلارمیسن کہ
 اول کیمسہ و انک اولادی فساد ایدرلر و خون ناحق دو کرلر و حالبو کہ
 بزسکا شکر و ثنا قیلارلر و سنک پاکلر کی ذکر ایدرلر یعنی وجہ ارضہ
 اول جنیلرک فساد و عصیان ابتدکاری کی بونلردخی عصیان و طغیان
 اینسہ کر کدر و اول قاعدہ یہ کنسہ لر کر کدر ملائکہ بوسورزی غائبی
 حاضرہ قیاس ایدوب سولیدیلر بوخسہ انلر علم غیب یلزلدی (وبعض
 علما ابتدیلر حضرت حق انلرہ اعلام بیور مشیدیکہ بن روی زمینہ
 برخلیفہ ایجاد ایدر مکہ انک اولادی فساد اینسہ لر کر کدر و علمادن
 بر جمع دخی اکا ذاہب اولدیلر کہ ملائکہ بنی آدمک فساد و سفک
 دماء ایدہ جکلر بنی اوح محفو ظہدہ کور وب معلوم اید نمشلرایدی
 (وبعضیلر ابتدیلر ملائکہ بنی آدمک فساد ایدہ جکلرینہ طبیعت انسان
 مقنضاسیلہ حکم ایتشلرایدی زیرا انسانک رو حنک مر کی مشاہدہ
 اولان قالب جسمنی مواد متضادہ دن ترکیب اولمش بولیدیلر پس
 یلیدیلر کہ بوتر کیسک نتیجہ سی دوکلی فساد و افساد اولسہ کر کدر
 اماملائکہ انسانک قلبی حالندن و حق تعالیٰ نظر کاهی اولدیغندن
 غافل ایدیلر و یلیدیلر کہ دوکلی فساد و افساد حق تعالیٰ بر نظر لطفی ایلہ
 صلاح پذیر اولوق ممکندر (ائمہ علما ابتدیلر ملائکہ دن بوسؤال حق تعالیٰ
 آدمی براتقدہ حکمتی نہدر اول حکمتی بلکہ طالب اولوق و استعلام ایتک
 طریق اوزرہ واقع اولمشیدی یاخود مر اداری آدمک حالندن استفہام
 ایتک یعنی عجباً خلیفہ ایدہ جکلر کیمسہ جنیلر کی مفسدعی اولاجقدر

یوحسه بزل کبی مصلح می اولاجقدر بو تقدیر اوزره آیت کریمه ده
 تردیدك شق ثانسی محذوف اولمش اولور یاخود ملائکه بوسوزی تعجب
 طریق اوزره سویلش اولار که الهی سنک بونجه نعمتلك آدمک واولاد
 آدمک اوزرل نده ایکن انلر کندولرینی بونجه جنا یتلر ایله نجه آلوده
 ایده بیلورلر ونه جرأت ایله فساد یولته کیده بیلورلر ملائکه نک
 بوسوالدن مراد لری علی اختلاف الافاویل هر نه اولور ایسه اولسون
 حق تعالی انلرک جوابنده (انی اعلم مالا تعلمون) پیوردی یعنی آدمی
 پراتیق ضمیمه اولان مصلحت و حکمتی بنیلورم بزلرانی بیلر سوز یاخود
 مراد بویله دیمک اوله که آدمدن واولادندن پیغمبرلر و مصلحلر کلجقدر
 (ویاخود بنیلورمکه آدمدن طاعت و ابلیدن معصیت صادر اولجقدر
 یاخود بنیلورمکه آدم سزلر دن اعلدر یاخود سز آمد دن معصیت
 صدور ایدجکینی بیلورسه کز بنیلورمکه اول معصیتدن یشیان و نائب
 اوله جقدر) و بعضیلر ایتدیلر بو آیت کریمه ایله حق تعالی نک مراد شیرینی
 بودر که ای فرشته لرم بن سزلی خلق ایتکله خالقیم صفتی ظاهر
 و آشکاره اولدی اما بنم دخی اسما وصفاتم وارد رازق و رزاق غافر و غفار
 و غفور کبی بر خلق دخی پراتیق استمرکه انلردن بعضیسی بندن رزق
 طلب ایده لر بن انلره رزق و بر مکله رازق و رزاق صفتلرم پیدا اوله و انلردن
 بعضیستدن بنم قضا له کنه صادر اولد قده اعتذار و استغفار ایدوب
 بن انلرک عذرلر بنی مقبول و جر مایرینی مغفرت قیلق ایله غافر و غفور
 و غفار لغم صفتلرینی ظاهر و آشکار قیلسم کرک (زین القصص صاحبی
 ایدر بدأ الخلق نام کتابده کورد مکه چون حق تعالی ملائکه به (انی اعلم
 مالا تعلمون) خطابینی پیوردی ملکر مأمور اولد قلمی خصوصه جرأت
 ایدوب سوز سویلد کلرینی یعنی آدمی نیچون برادر سن دیو اعتراض
 ایتد کلرینی عظیم معصیت بیلوب نادم و یشیان اولدیلر ویدی بیل کر سینک
 اطرافنی طواف ایدوب (ایک اللهم ایک اعتذارا ایک لیک نستغفرک
 ونتوب الیک) دیدیلر و ایتسده کتور مشلردر که آدمک طینتی تخمیر
 اولنوب هنوز صلصایت مرتبه سنده ایکن اتفاق ابلیس ملائکه دن
 بر جماعته آدمک قالب جسدی اولان محله مرور ایلدی ابلیس النی آدمک
 قارنی اوزرینه اوردی یاغولنوب صداسی ابلیسک قولاغنه ایرشد کده
 ایتدی غالباً بوشخصک هیکلی ایچون زیاده اقبال اولماسه کر کدر